



09 juli 2009 Bivši pripadnici Vojne policije iz Vlasenice, svjedočeci na suđenju za zločine počinjene u tom gradu, kazali da nisu sudjelovali u hapšenju Bošnjaka i njihovom osiguranju u različitim objektima.

Radivoje Vasković i Cvjetin Vlačić, svjedoci Odbrane Gorana Viškovića, govoreći o zadacima pripadnika Vojne policije u Vlasenici tokom 1992. godine, rekli su da nikada nisu osiguravali “prihvatni centar Sušica” niti sudjelovali u hapšenju Bošnjaka u tom gradu.

“Od komande smo dobivali papir sa imenima **vojnih obveznika** koje moramo privesti, i **radilo se samo o Srbima**

. Nismo imali ništa s Bošnjacima jer su bili civili, kao ni s njihovim privođenjima u zatvor u Vlasenici ili Sušicu. Odgovorno tvrdim da s tim nismo imali ništa”, kazao je Vlačić.

Ovaj svjedok je dodao da je, zajedno s drugooptuženim Viškovićem, od 21. aprila 1992. godine bio pripadnik Vojne policije u Vlasenici, koja je brojala “10 do 12” ljudi.

Predrag Bastah i Goran Višković se terete za sudjelovanje u ubistvima, mučenju, nezakonitom zatvaranju, silovanju, te prisilnom iseljavanju i nestancima Bošnjaka na području Vlasenice od aprila do septembra 1992. godine.

U optužnici stoji da je Bastah bio pripadnik rezervnog sastava Stanice javne bezbjednosti Vlasenica, dok je Višković u istom gradu bio pripadnik Vojne policije Vojske Republike Srpske.

“**Vojna policija nije imala nikakvog dodira s civilima i ratnim zarobljenicima.** Tada smo obezbjeđivali komandu Vlaseničke brigade, privodili vojne obveznike, bili u pratnji vojnih oficira i odlazili na linije. Sjećam se da smo tada u više slučajeva reagovali i zbog šenlučenja po selima”, rekao je Vlačić.

Bastah i ostali: Poslovi vojne policije

Autor BIRN

Ponedjeljak, 13 Srpanj 2009 08:09 - Ažurirano Ponedjeljak, 13 Srpanj 2009 08:55

Obezbjeđenje logora Sušica, kako je naveo ovaj svjedok, vršili su pripadnici vojske iz Vlasenice, te je dodao da nikada nije vidio da su Bastah i Višković privodili civile.

Radivoje Vasković, drugi svjedok Viškovićeve Odbrane, također je potvrdio da je zajedno s drugooptuženim bio pripadnik Vojne policije, koja “nije obezbjeđivala Sušicu” niti privodila Bošnjake.

“**Sušica je bila prihvatni centar** i tamo je narod išao, išli su autobusom. Nisam dole nikad bio, i Vojna policija nije imala nikakva ovlaštenja tamo. **Nikada**

nismo odvodili Bošnjake na prinudne radove ili ih privodili jer su bili civili”, objasnio je Vasković.

Nastavak suđenja zakazan je za 10. august 2009. godine.